

ერთი მხრივ, აჭარის ავტონომიური რესპუბლიკის განათლების, კულტურისა და სპორტის სამინისტრო (შემდგომში „შემსყიდველი“), წარმოდგენილი მინისტრის მოადგილის მირიან ქათამაძის სახით და მეორე მხრივ, ა(ა)იპ „საქართველოს კულტურის ხელშეწყობის და განვითარების ფონდი“ (შემდგომში „მიმწოდებელი“) წარმოდგენილი თავმჯდომარის გიორგი გუგუშვილის სახით, „სახელმწიფო შესყიდვების შესახებ“ საქართველოს კანონის და ა(ა)იპ „საქართველოს კულტურის ხელშეწყობის და განვითარების ფონდი“-ს მიერ წარმოდგენილი სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადება N **NAT170003007**) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს მომსახურების გაწევას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი;

2. ხელშეკრულების საგანი

- 2.1. ხელშეკრულების საგანია ქვეპროგრამის - „კულტურის თანამედროვე მიმართულებების განვითარების ხელშეწყობა“ ფარგლებში ღონისძიების ორგანიზება (CPV-79952000), კერძოდ, საერთაშორისო პლენერის - „მეგობრობის პალიტრა - ბათუმი 2017“ - ორგანიზება (შემდგომში - შესყიდვის ობიექტი და/ან მომსახურება).
- 2.2. გასაწევი მომსახურების აღწერილობა მოცემულია დანართი N1-ში (შესყიდვის აღწერილობა) და დანართი N-2-ში (ფასების ცხრილი), რომლებიც თან ერთვით ხელშეკრულებას და წარმოადგენენ მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების საერთო ღირებულება შეადგენს 22 100 (ოცდაორი ათას ასი) ლარს, დღგ-ს გათვალისწინებით.
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. მიწოდების ვადა და ადგილი მომსახურების მიღება-ჩაბარების წესი

- 4.1. მომსახურების მიღება-ჩაბარებას ახორციელებენ სათანადოდ უფლებამოსილი პირები.
- 4.2. მომსახურების საბოლოო და/ან შუალედური მიღება განხორციელდება, ფაქტიურად გაწეული მომსახურების შესაბამისად გაწეული მომსახურების ღირებულებისა და მოცულობის მითითებით გაფორმებული მიღება-ჩაბარების აქტის საფუძველზე.

შემსყიდველი

მიმწოდებელი

- 4.3. შემსყიდველის მხრიდან მომსახურების მიღება-ჩაბარებაზე უფლებამოსილი წარმომადგენელია ხელშეკრულების შესრულების კონტროლის განმახორციელებელი პირები.
- 4.4. შემსყიდველი უფლებამოსილია უარი განაცხადოს უხარისხოდ განხორციელებული მომსახურების მიღებაზე.
- 4.5. მომსახურების მიწოდების ადგილია საქართველო;
- 4.6. მომსახურების მიწოდების ვადაა ხელშეკრულების დადებიდან 2017 წლის 30 ივნისამდე პერიოდი.

5. ანგარიშსწორების ფორმა, წესი და ვადები

- 5.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ საბანკო რეკვიზიტებზე, ეროვნულ ვალუტაში.
- 5.2. ანგარიშსწორება ხორციელდება შუალედური ან/და საბოლოო მიღება-ჩაბარების აქტის გაფორმებიდან 10 (ათი) საბანკო დღის განმავლობაში. მხარეები თანხმდებიან, რომ შემსყიდველს უფლება აქვს უარი თქვას კონკრეტული მომსახურების ნაწილის შესყიდვაზე საკუთარი საჭიროებისამებრ. ასეთ შემთხვევაში შემსყიდველი არ არის ვალდებული გადაიხადოს განუხორციელებელი მომსახურების შესაბამისი ღირებულება. აღნიშნულიდან გამომდინარე, მიმწოდებელი აცხადებს, რომ მას პრეტენზია არ ექნება აუთვისებელ თანხაზე.
- 5.3. მიმწოდებლის დასაბუთებული მოთხოვნის შემთხვევაში ხელშეკრულების მოქმედების პერიოდში შესაძლებელია საავანსო ანგარიშსწორება არაუმეტეს სახელშეკრულებო თანხის 50% ოდენობით. საავანსო ანგარიშსწორების შესახებ გადაწყვეტილებას იღებს შემსყიდველი თავისი შეხედულებისამებრ.
- 5.4. საავანსოდ გადასახდელი თანხის უზრუნველყოფისათვის გამოიყენება საქართველოს ეროვნული ბანკის მიერ ლიცენზირებული კომერციული ბანკის ან/და სადაზღვევო კომპანიის მიერ გაცემული უპირობო გარანტიები.
- 5.5. საავანსო გარანტიის (მისი წარმოდგენის შემთხვევაში) მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას.

6. გარანტია

- 6.1. მიმწოდებელი იძლევა გაწეული მომსახურების საერთაშორისო სტანდარტებისადმი შესაბამისობის გარანტიას.
- 6.2. მიმწოდებლის მიერ ხელშეკრულებით განსაზღვრული მომსახურების ხარისხი, სტანდარტები, ტექნიკური პარამეტრები, ძირითადი მახასიათებლები უნდა შეესაბამებოდეს ხელშეკრულებით განსაზღვრულ პირობებს.
- 6.3. 6.2. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.
- 6.4. მიმწოდებელი ვალდებულია განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.
- 6.5. მიმწოდებლის მიერ 6.4. პუნქტით განსაზღვრული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს ხარჯების ანაზღაურება, ან ეს თანხა გამოქვითოს ხელშეკრულების მიხედვით მიმწოდებლისათვის გადასახდელი თანხიდან.

7. ხელშეკრულების შესრულების კონტროლი

- 7.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.

შემსყიდველი

მიმწოდებელი

7.2. ხელშეკრულების შესრულების კონტროლს ახორციელებენ აჭარის ავტონომიური რესპუბლიკის განათლების, კულტურისა და სპორტის მინისტრის მოადგილე თეონა ბერიძე, კულტურის დეპარტამენტის უფროსის მ/შ თეა ჭანტურიშვილი და მთავარი სპეციალისტი ანასტასია გამსახურდაშვილი;

7.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ.

7.4. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

8. მხარეთა პასუხისმგებლობა ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.02 პროცენტის ოდენობით.

8.2. შემსყიდველის მიერ ხელშეკრულების შეწყვეტის შემთხვევაში, რაც გამოწვეული იქნება წინამდებარე ხელშეკრულების 11.1. პუნქტის ა,ბ,დ,ე ქვეპუნქტებიდან, მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით.

8.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.

9.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.

9.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.

9.4. 9.3. პუნქტით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.

9.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

10.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. ხელშეკრულების შეწყვეტა

11.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის შემდეგ:

შემსყიდველი

მიმწოდებელი

- ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მომსახურება ან მისი ნაწილი;
- ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
- გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- დ) თუ მოწოდებული მომსახურების ხარისხი არ შეესაბამება გათვალისწინებულ პირობებს.
- ე) საქართველოს კანონმდებლობით გათვალისწინებულ სხვა შემთხვევებში.
- 11.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 11.3. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. სადავო საკითხების გადაწყვეტა

- 12.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 12.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

13. სხვა პირობები

- 13.1. ხელშეკრულება ძალაში შედის მხარეების მიერ ხელმოწერის დღიდან.
- 13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 13.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.
- 13.4. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულებდა ქართულ ენაზე.
- 13.5. ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი ეგზემპლარი ინახება შემსყიდველთან და ერთი ეგზემპლარი მიმწოდებელთან.

14. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 31 დეკემბრამდე.

15. მხარეთა რეკვიზიტები

შემსყიდველი:

აჭარის არ განათლების კულტურისა
და სპორტის სამინისტრო

საქართველო, ქალაქი ბათუმი
ლ. გუდიაშვილის ქ. N4
ს/კ 245 427 667

მინისტრის მოადგილე
მირიან ქათამაძე

მიმწოდებელი:

ა(ა)იპ „საქართველოს კულტურის
ხელშეწყობის და განვითარების ფონდი“
საქართველო, ქალაქი თბილისი
კოსატავას ქ. N23
ს/კ 204 447 820
სს „თიბისი ბანკი“
მფო TBCBGE22
ა/ა GE52 TB06 0000 0100 7002 69
თავმჯდომარე
გიორგი გუგუშვილი

შემსყიდველი

მიმწოდებელი

აჭარის ავტონომიური რესპუბლიკის
განათლების, კულტურისა და სპორტის სამინისტროსა
და ა(ა)იპ „საქართველოს კულტურის ხელშეწყობის და განვითარების ფონდს“

შორის 2017 წლის 26 აპრილს დადებული N 102

სახელმწიფო შესყიდვების შესახებ ხელშეკრულების დანართი №1

შესყიდვის აღწერილობა

ხელშეკრულების დადებიდან 30 ივნისამდე პერიოდში ღონისძიების - “მეგობრობის პალიტრა - ბათუმი 2017” - ორგანიზება, კერძოდ, ადგილობრივი და უცხოელი მხატვრების ერთობლივი საერთაშორისო პლენერის ჩატარება ორ ეტაპად.

მოწოდებულ მომსახურებაში უნდა შევიდეს:

❖ საერთაშორისო პლენერის - “მეგობრობის პალიტრა - ბათუმი 2017” - ორგანიზება ორ ეტაპად (თითოეული 14 დღიანი) ქ. ბათუმში - „ბათუმური გაზაფხული“ და ბათუმური ზაფხული“.

❖ თითოეულ ეტაპზე პლენერში მონაწილეობა უნდა მიიღოს არანაკლებ 6-მა ადგილობრივმა და 4-მა უცხოელმა მხატვარმა;

შენიშვნა: მონაწილე მხატვრების ჩართვას და პლენერის ფარგლებში შემოქმედებითი პროცესების მართვას უზრუნველყოფს შემსყიდველი პროექტის ხელმძღვანელის მეშვეობით.

❖ სახატავი მასალის შესყიდვა (ორივე ეტაპზე) პლენერში მონაწილე მხატვრებისთვის - 10-10 კომპლექტი:

- სახატავი დაგრუნტული ტილო, გადაჭიმული ქვეჩარჩოზე, ზომა - 110 x 70
- აკრილის საღებავების კომპლექტი - ჩინეთის წარმოება, 250მლ-იან ქილებში, 10 ფერი
- სახატავი მუყაო - “ბრისტოლი”, 300 გრამიანი კომპლექტი, ზომა - 90 x 75 და 75 x 45
- ჯაგრის ფუნჯების კომპლექტი - ზომა: 2 ნომრიდან 24 ნომრამდე
- (გარდა კომპლექტისა) 200 ცალი საექსპოზიციო მუყაო - ზომა 100 X 70 / სისქე - 2 მმ.

❖ პლენერის ბრენდირებული მაისურების ბეჭდვა: მოკლემკლავიანი ზამბის თეთრი მაისურები ზედ დაბეჭდილი პლენერის ფერადი 30სმ x 17სმ ზომის ლოგოთი. მაისურების ზომები: XL – 10 ცალი, L – 10 ცალი, M - 10 ცალი - სულ 30.

❖ 2 ცალი პრიალაზედაპირიანი ფერადი ბანერი - ზომა 80 x 200 სმ.

❖ 20 ცალი აფიშა ფერადი ბეჭდვით, ზომა 60 x 40 სმ., ქაღალდი - 120 გრ.

❖ პლენერში მონაწილე 6-6 პირის ბათუმში სასტუმროში განთავსება სამჯერადი კვებით 02 მაისიდან 14 მაისის და 02 ივნისიდან 14 ივნისის ჩათვლით პერიოდი (2X13 ღამე X 3 ორადგილიანი ნომერი, სამჯერადი კვებით. ნომერს უნდა ჰქონდეს ტუალეტი, საშხაპე, კონდენცირება, WiFi, ტელევიზორი, მინიბარი და უზრუნველყოფილი უნდა იყოს ცხელი და ცივი წყლის 24 საათიან რეჟიმში მოწოდება, სასტუმროში დაცული უნდა იყოს უსაფრთხოებისა და სანიტარულ-ჰიგიენური ნორმები. სასტუმრო უნდა იყოს განთავსებული ღონისძიების ჩატარების ადგილის მიმდებარე ტერიტორიაზე.)

შემსყიდველი

მიმწოდებელი

შენიშვნა: სასტუმროს ადგილმდებარეობა უნდა შეთანხმდეს შემსყიდველთან;

- ❖ პროექტის მონაწილეთა ტრანსპორტირება საქართველოს ტერიტორიაზე კომფორტული მსუბუქი ავტომობილით ან/და მინივენით ღონისძიების ორივე ეტაპზე;
საორიენტაციო მარშუტები:

- პროექტის მოსამზადებელი სამუშაოები / შესყიდვები ქალაქის თბილისის ტერიტორიაზე 10X2 დღის განმავლობაში
- თბილისი - ბათუმი - თბილისი (ღონისძიების ორივე ეტაპზე)
- ბათუმი - ხულო - ბათუმი - 1 დღე (ღონისძიების ორივე ეტაპზე)
- ბათუმი - მტირალას მთა - ბათუმი - 1 დღე (ღონისძიების ორივე ეტაპზე)
- პლენერში მონაწილე 10 პირის შიდა გადაადგილება ქ. ბათუმში - 2X14 დღის განმავლობაში
- ბათუმი - ქუთაისი - ბაგრატის ტაძარი - ქუთაისის აეროპორტი - ბათუმი (ღონისძიების ორივე ეტაპზე)

შენიშვნა: ტრანსპორტირების გრაფიკი უნდა შეთანხმდეს შემსყიდველთან.

ავტოსატრანსპორტო საშუალება უნდა აკმაყოფილებდეს შემდეგ მოთხოვნებს:

- გამოშვების თარიღი უნდა იყოს 2005 წელი ან ზემოთ.
- უნდა იყოს ტექნიკურად გამართული, აღჭურვილი გათბობა-კონდიციონერების სისტემით, კომფორტული სალონით და სავარძლებით, მაგნიტოფონით, საბარგულით.

შენიშვნა: მიმწოდებელმა უნდა წარმოადგინოს ტექ. პასპორტი, მძღოლის პირადობის დამადასტურებელი და მართვის მოწმობები.

- ❖ პლენერის უზრუნველყოფა 3 კოორდინატორით (ღონისძიების ორივე ეტაპზე);

შენიშვნა: ყველა კოორდინატორი აუცილებელია იყოს პროფესიონალ მხატვართა კლუბის წევრი, ჰქონდეს პლენერების ჩატარების არანაკლებ 5 წლიანი გამოცდილება და ფლობდეს ინგლისურ ენას.

საბოლოო პროდუქტი:

- ❖ ბათუმში ჩატარდება საერთაშორისო პლენერი 2 ეტაპად;
- ❖ პროექტში ჯამურად ჩაერთვება 20 მხატვარი და სამხატვრო სკოლის 20 სტუდენტი
- ❖ პროექტის ფარგლებში მოეწყობა 2 გამოფენა;
- ❖ სამინისტროს საჩუქრად გადაეცემა პლენერის ფარგლებში შექმნილი 20 ცალი ფერწერული ტილო.

შენიშვნა:

* პლენერის ჩატარების კონკრეტული ადგილი და დრო უნდა შეთანხმდეს შემსყიდველთან.

* მონაწილე პოლონელი და ლიტველი მხატვრების ჩამოყვანას და პლენერის ფარგლებში შემოქმედებითი პროცესების მართვას უზრუნველყოფს პროექტის ხელმძღვანელი.

შემსყიდველი

მიმწოდებელი

აჭარის ავტონომიური რესპუბლიკის
განათლების, კულტურისა და სპორტის სამინისტროსა
და ა(ა)იპ „საქართველოს კულტურის ხელშეწყობის და განვითარების ფონდს“

შორის 2017 წლის 26 აპრილს დადებული N 102

სახელმწიფო შესყიდვების შესახებ ხელშეკრულების დანართი №2

ფასების ცხრილი

„მეგობრობის პალიტრა - ბათუმი 2017“

პროექტის I ეტაპი

N	მომსახურების დასახელება	რაოდენობა	მომსახურების ღირებულება დღგ-ს ჩათვლით
1	სახატავი მასალის შესყიდვა: - სახატავი დაგრუნტული ტილო, გადაჭიმული ქვეჩარჩოზე, ზომა - 110 x 70 - აკრილის საღებავების კომპლექტი - ჩინეთის წარმოება, 250მლ-იან ქილებში, 10 ფერი - სახატავი მუყაო - “ბრისტოლი”, 300 გრამიანი კომპლექტი, ზომა - 90 x 75 და 75 x 45 - ჯაგრის ფუნჯების კომპლექტი - ზომა: 2 ნომრიდან 24 ნომრამდე	10-10 კომპლექტი	270 800 180 150
2	საექსპოზიციო მუყაო ზომა 100 X 70 / სისქე - 2 მმ.	100 ცალი	220
3	პლენერის ბრენდირებული მაისურების ბეჭდვა: მოკლემკლავიანი ზამბის თეთრი მაისურები ზედ დაბეჭდილი პლენერის ფერადი 30 x 17 სმ. ზომის ლოგოთი. ზომები: XL – 5ც. L – 5ც. M - 5 ც.	15	330
4	პრიალაზედაპირიანი ფერადი ბანერი ზომა 80 x 200 სმ	1	70
5	აფიშა ფერადი ბეჭდვით, ზომა 60 x 40 სმ.,	10	50

შემსყიდველი

მიმწოდებელი

	ქალაქი - 120 გრ.		
6	პლენერში მონაწილეთა სასტუმროში განთავსება სამჯერადი კვებით ქ. ბათუმში (3 ორადგილიანი ნომერი 13 ღამე)	6 პირი	4 680
7	პროექტის მონაწილეთა ტრანსპორტირება საქართველოს ტერიტორიაზე (მარშრუტები იხ. ტექ. წინადადებაში)	1 მსუბუქი ავტომობილით 1 მინივენით	2800
8	კოორდინატორი #1 (მოთხოვნები იხ. ტექ. წინადადებაში)		700
9	კოორდინატორი #2 (მოთხოვნები იხ. ტექ. წინადადებაში)		500
10	კოორდინატორი #3 (მოთხოვნები იხ. ტექ. წინადადებაში)		300
	ჯამი		11 050

„მეგობრობის პალიტრა - ბათუმი 2017“

პროექტის II ეტაპი

N	მომსახურების დასახელება	რაოდენობა	მომსახურების ღირებულება დღგ-ს ჩათვლით
1	სახატავი მასალის შესყიდვა: - სახატავი დაგრუნტული ტილო, გადაჭიმული ქვეჩარჩოზე, ზომა - 110 x 70 - აკრილის საღებავების კომპლექტი - ჩინეთის წარმოება, 250მლ-იან ქილებში, 10 ფერი - სახატავი მუყაო - “ბრისტოლი”, 300 გრამიანი კომპლექტი, ზომა - 90 x 75 და 75 x 45 - ჯაგრის ფუნჯების კომპლექტი - ზომა: 2 ნომრიდან 24 ნომრამდე	10-10 კომპლექტი	270 800 180 150

შემსყიდველი

მიმწოდებელი

2	საექსპოზიციო მუყაო ზომა 100 X 70 / სისქე - 2 მმ.	100 ცალი	220
3	პლენერის ბრენდირებული მაისურების ბეჭდვა: მოკლემკლავიანი ზამბის თეთრი მაისურები ზედ დაბეჭდილი პლენერის ფერადი 30 x 17 სმ. ზომის ლოგოთი. ზომები: XL – 5ც. L – 5ც. M -5 ც.	15	330
4	პრიალაზედაპირიანი ფერადი ბანერი ზომა 80 x 200 სმ	1	70
5	აფიშა ფერადი ბეჭდვით, ზომა 60 x 40 სმ., ქაღალდი - 120 გრ.	10	50
6	პლენერში მონაწილეთა სასტუმროში განთავსება სამჯერადი კვებით ქ. ბათუმში (3 ორადგილიანი ნომერი 13 ღამე)	6 პირი	4680
7	პროექტის მონაწილეთა ტრანსპორტირება საქართველოს ტერიტორიაზე (მარშრუტები იხ. ტექ. წინადადებაში)	1 მსუბუქი ავტომობილი 1 მინივენ	2800
8	კოორდინატორი #1 (მოთხოვნები იხ. ტექ. წინადადებაში)		700
9	კოორდინატორი #2 (მოთხოვნები იხ. ტექ. წინადადებაში)		500
10	კოორდინატორი #3 (მოთხოვნები იხ. ტექ. წინადადებაში)		300
	ჯამი		11 050
	საერთო ჯამი		22 100

შემსყიდველი

მიმწოდებელი